

**Naaja H. Nathanielsen**

**Attavitsoq / Løsgænger**

27-06-2016

Inatsisartuts suleriaasianni § 37 naapertorlugu matumuuna Naalakkersuisut imak apeqquteqqateqarfigaakka:

**1)**

**Appanniartarnek pillugu oqallinnermi Aalisarnermut Naalakkersuisoq oqaaseqarpoq, nunatsinni piniartut oqaluttuarisaanitsinni piniakkaminnik nungutsisimangisaannartut. Taamatut oqaaseqarneq appat ikiliartuinnarnerannut qanoq attuumassuseqarpa?**

**2)**

**Naalakkersuisut isumaqarpata piniakkat nungunneqanngisaannartussaasut, soormitaava piniakkanik killilersuisoqartartoq aamma piffissamik killiliilluni piniarfissaliisoqartartoq?**

**3)**

**Sooq Naalakkersuisut Timmissat pillugit nalunaarutissamut tusarniaanermi akissutissarsiarineqartut saqqummiussimangilaat?**

**4)**

**Naalakkersuisut tusarniaanerni akissutaasut saqqummiuttarneranut suut periuseraat? Qaqugukkut tusarniaanerni akissutaasut Tusarniaanernut nittartakkamut ikkussisoqartarpa, qaqugukkullu akissutaasut ikkunneqarneq ajorpat?**

**5)**

**Naalakkersuisuts qanoq oqaasissaqarpat innuttaasut akornanni appat piffissami aalajangersimasumi eqqissisimatitaavinnissaannut tapersersuineranut mikinngitsumut**

**6)**

**Naalakkersuisut appat eqqissisimatitaavinnissaannut arlaleriarlutik itigartitsipput nerisarnitsinni kulturitsinnut kingunipilussai ernummatigamikkrit. Naalakkersuisut**

**aappimik naaggamilluunniit uunga apeqquummut akeqquneqarput: Appa nerisarnitsinni kulturitsinnut ilaajuaannassava nungutaareeraluaruniluunniit?**

**7)**

**Septemberimi Timmissat pillugu nalunaarummik saqqummiussisoqassasoq neriorsuutigineqarpoq. Nalunaarut nutaaq tunngaveqassava Pinngortitaleriffiup saqqummiusnaanut nutaamut, saqqummiusseq nunatsinni<sup>1</sup> appaqarfiit suli ikiliartuinnartunik appaqartunik ersersitsisoq.**

**8)**

**Suna tunngaviua Naalackersuisut appanniartarneq pillugu mianersortumik periuseqarnissamut malinnikkumanginnerannut?**

(Inatsisartunut ilaasortaq, Naaja H. Nathanielsen)

### **Tunngavilersuut**

Appaqarfinni 19-iniit aqqaneq marlunni appat ikiliartorput. Angusaqarniarluni iliuuseqarnissat pisariaqartinneqarpoq, ilorraap tungaanut saattoqassappat. Ajoraluartumilli Naalackersuisut piviusumut akerliliiuarsinnaarput piviusunik tunngavilersuinnguarnatik. Illua'tungaatigut misigissuseq tunngavigalugu nalunaartueqartoqartarpoq, soorlu "appat nereriaatsitsinnut pingaaruteqarput" aamma "nunatsinni piniakkavut nungunneq ajorpavut".

Ajuusaassaqaanga appa nereriaatsitsinnut ilaajunnaavissappat, nungutsitsinerput pissutigalugu. Eqqarsarnalaanngitsuunnngilaq aamma naalackersuisooqatigiinnissamut isumaqatigiisummi piujuartitsineq pingaartinnerarneqartarmat, uffa naalackersuinikkut ingerlatsinermit killilersuinerit piujuartitsinermit tunngaviusut killormoorlugit aalajangiisoqartuarteraluartoq.

Ullut qulit suliffiusut iluani akineqarnissara piumasaraara.

---

<sup>1</sup> [http://www.natur.gl/fileadmin/user\\_files/Dokumenter/Overblik/Lomvier\\_2016\\_DK\\_V1.0b.pdf](http://www.natur.gl/fileadmin/user_files/Dokumenter/Overblik/Lomvier_2016_DK_V1.0b.pdf)  
[http://www.natur.gl/fileadmin/user\\_files/Dokumenter/Overblik/Lomvier\\_2016\\_GRL\\_V1.0b.pdf](http://www.natur.gl/fileadmin/user_files/Dokumenter/Overblik/Lomvier_2016_GRL_V1.0b.pdf)